

Улогчо эл, порымик да гим вери!

Будь готов/

ЯМДЕ-ЛИЙ

1933 ий 1 февраль годсек лектеш.

0+

Илышым пөлекла АВА

*Җыратамы-влакым
8 Март - түйнәтбал
кегышт.*

Эн лишыл

Түняште ныжыл мут
моткочак шуко,
Эн түн да шерге мут -
«ава».
Ме тиде сылне шошо кечын
Саламлена чылан
мотор авам.
Авай, улат эн поро,
лишыл,
Тый шочыктет,
мемнам ончен куштет.
Ош Юмо илышетым
шуйдарыже,
Шыма, эн ныжыл,
шерге аваем!

**Диана СОШИНА.
Морко, Коркатово.**

Авамын лүмжө - Вера.

Тудо кевыгыште пашам ышта.
Авам поро кумылан, умылышо.
Шөртнө кидше дене яра
жапыште түрлө арверым ышта.
Шүжаремлан атлас тасма гыч
резинкым ямдыла. Тудо пеле-
дышым моткоч йөрата. Авай,
ме, Кира шүжарем да
Иннокентий шольым, тый денет
кугешнена да йөратена.

**Эльмир АНИСИМОВ.
У Торъял, Токтарсола.**

Эн ныжыл, эн
поро, эн мотор, усталык
шұлышан аваем! Шушаш 8 Март
пайрем дене уло кумылын саламлем!
Пентгыде тазалыкым, кужу ўмырым тыла-
нем! Чевер пеледыш аршаш гай пелед.

Кумылет нигунам ынже воло. Гриша
шольым дене тыйым моткоч йөратена.

**Костя ШЕХУРДИН.
Шернур, Кукнур.**

Фото-влакым еш архивла гыч налме.

«Ямде лий» 2021 ий 6 март

Тагасымаш мастарлыкым тапта



26-28 февральыште Москошто Педагогический мастерлык форум эрталтын. Марий Элын чапшым Национальный президент школ-интернатыште марий йылмым да литературым тунуктышо Э.В.Петрова (снимкыште) арален. Эльвира Владимировна 3-шо верым сенен налын.

Участник-шамыч шке школыштышт эртарыме урокын видеофрагментшым ончыктеныт, калык вургем нерген каласкаленыт, тунемше-влакын кидпаша ончыктыштым аклаш луктыныт.

– Сеҥыше-влак радамышке логал-мемлан тунемшем-влак моткоч куаненыт.

Мый нуным тунуктем гына огыл, ижежат тунуктышо семын кушам, – ойла Эльвира Владимировна.

Х.АЛЕКСАНДРОВА.

Фотом еш архив гыч налме.

Конкурсш
Российын 18
регионжо да
Белоруссий, Украине
гыч 36 тунуктышо
ушнен.

Ямбердын ончерже

Марий Эл Республикын калык да Россий Федерацийын сулло сүретчыже Иван Ямбердовын ончерже Кужэгер тоштерыште почылтын. Мемнам тушко марий йылмым тунуктышо Ю.А.Морозов намиен. Сүретче пашаже-влак дене палдарен. Тудын образше-шамыч ойыртегалтше улыт. Мыланна моткоч келшен.

Маша ВОЛКОВА, Саша ПАЙМЕРОВ.
Кужэгер школ.

Увер

Российысе просвещения министрствын темлымже почеш, 2021 ийыште ЕТЭ 31 майыште тунгалеш да 2 июльышто мучашлалтеш. 12-17 июльышто экзаменым кучаш ешартыш жап пуалтеш.

Ача дене пырля



Фотом школын архивше гыч налме.

Шочмо элым аралышын кечыжым пеш сайын эртарышна. «Зарница» модышыш ачана-влакым ушышна. Класс вуйлатыше М.С.Михайлова онгай заданийлам: «гранатым» кышкымаш, «самолётым волтен шуымаш», икымше полышым пуымаш да молымат – ямдылен. Мыланна «луман полигон» эн чот келшен. Пырля эртарыме жап шарнымашеш кодеш.

1-ше «Б» классыште тунемше-влак.
Татарстан, Агрыз, Пелемеш.

Российысе увер

26 апрель гыч 30 май марте za.gorodsreda.ru сайтыште түрлө объектым тўзатыме верч йўжымаш эрталтеш. 14 ияш да куурак ийготан-влак йўжыштым пуэн кертыт. Тыгак волонтер-влакым вучат. Кумылда уло гын, 22 март марте www.dobro.ru сайтышке йодмашым колтыза.

Тенийысе выпускник-влак школым йошкар аттестат да «За особые успехи в учении» медаль дене тунем пытарынешт гын, 10-шо да 11-ше класслаште кажне предмет дене иктешлыше отметке «5»-ан лийшаш. Иктешлыше кужыжаныш аттестацийыште келге шинчымашым ончыктыман.

7-16 ияш ўдыр-рвезе-влакым «Лес – наш главный интерес» всероссийский сўрет конкурсыш ушнаш ўжыт. Марий Элысе йыжыг 31 май марте шуйна. Пашам Марий Эл Республикысе чодырам аралыме рўдерыш колтыман.

Марий Элысе увер

12 мартыште Советский район Ушнўр школышто «Ўярня» йоча пайрем эрталтеш. Тушто «Марий йўла» квест-модыш лиеш. Республикысе түрлө школ гыч ўдыр-рвезе-влак «Марий калык модыш», «Ўярня кува», «Ўярня такмак-влак» (онлайн) конкурс-лаште мастарлыкыштым тергаш тўналыт.

Марий Эл Республикысе финанс министрствылан 100 ий темме лўмеш «Финансовая грамотность» йоча конкурс эрталтеш. Сўретым сўретлаш, фотом войзаш, эмблемым ямдылаш лиеш. Пашам 30 март марте mf-ctv@minfin.mari.ru адрес дене электрон почтыш колтыман.

«Народная культура для школьников» всероссийский проект почеш Йошкар-Оласе Рўдө паркыште 6-8, 13-14 мартыште «Ўярня арня» фестиваль эрталтеш. Кажне меропрятий 12 шагатлан тўналеш.

Робототехник ончыкылык проффeссийлан шотлалтеш. Йоча-влакым ты корным ойырен налаш изинек ямдылат. Йошкар-Олаште «Технологии будущего» рүдер пашам ышта. Тудым А.В.КАЧАЛОВ вуйлата.

Модышым «ылыжат»

– Мемнан рүдeрыш йоча-влак ныл ияш гыч кош-таш тўналыт. Нуно лeго гыч тўр-лe модышым по-гат, – ойла Артeм Владимирович. – Погымо модышым компьютер да про-грамме полшымо дене «ылыжат»: тарванылаш, тўр-лe йўкым лукташ туныктат.

Робототехнике да программирований дене урокым кажне ийын келгемдат. Робот-шамычым кугуракым да нeлырак модельным кeлыштарат. Кугурак ийготан йоча-влак ушан пeртын, копшангe-роботын, мамонтын да шуко молын макeтыштым погат. Тыге



шке гыч проектым ышташ тунeмын шуыт. Команде де-не пашам ыштат. Модельным, шке гыч шонен, илы-шыш шындарат. Тыгыде ужашлам погымо дене парня лывыргылыкым ви-яндат. Илен-толын, йоча-влакын ямды-лыме роботышт ай-демын полшыкалы-шыже лийыт манын ўшаныме шуэш.

Рүдeрыш коштшо йоча-влак Всероссийский тагасымашлаште шуко гана мастарлыкыштым ончыктеныт. Нунын пашаштым кўкшын акленыт.

Е.ИВАНОВА.

Фотом рүдeрын архивше гыч налме.

Школын эмблемыже ямде

Кужeнер район Шўдымарий школын 9-ше классыштыже тунeмше Иван Лукьянов (**сним-кыште**) технологий дене республикысе олим-пиадылан школын эмблемыжым ямдылен.

– Эмблемын девизше – «Творчество, гармония, мир». Молан лач тиде кум мутым ойыренам? Паша – мыйын усталыкем. Уш-акыл поянлы-кем ден кид мастарлыкeм иктыш ушен, эмбле-мым ыштенам. Тўня – шочмо школем. Эмблемым ышташ мый пистым да органичес-кий яндам ойыренам. Оряндаште сўретым ышташ манын, компьютeрысе програм-мым кучылтынам, – ойла рвезе.

Иванлан технологий урокым туныктышо Иван Данилович ден программированийым палыше Дмитрий Иванович Григорьев-мыт полшeныт. Эм-блемыште кечым, книга, лышташне-рым сўретлыме.

– Кече волгыдыллы-кым ончыкта, кни-га – шинчымашым. Волгыдылык ден шинчымаш сеҗымаш дек корным почит.



Лышташнер – тиде самырык тукым.

Х.АЛЕКСАНДРОВА.

Фотом школын архивше гыч налме.

Медведево район Руэм кыдалаш шко-лышто Науко да технологий идалыклан пeлеклалтше «Великие достижения чело-вечества» сўрет ончер эртаралтын. 4-ше классыште тунeмше Екатерина ВЕРЕНИЧ ончыкылык тўням эскерыше шинчалыкым сўретлен.



Огай паша

Мый 6-шо классыште тунeмам. Тиде тунeмме ийыште мыйым «Рвезе тукым» йоча ушемын дружине председа-тельжылан ойыреныт. Паша огай, мылам келша. Йоча-влак чулым улыт. Мероприятийлашке кумылын ушнат. 23 февраль вашеш «Элым аралыше-влаклан – пeлек» ончерым эртаренна. 1-ше класс гыч Илья Павлов ден Костя Эмановын пeлекышт эн чатка лийыныт. Нунын пашашт районысо ончерыште школын чапшым аралат.

Дима ЕГОРОВ.

Морко, Шўргыял.

8 Март пайрем дене!

Йоча пелен

Тольо угыч сылне шошо,
Кондыш тудо ялыш шокшым.
Кече ойлыш шыргыжалын:
– Мый пайрем ден саламлем!

А лыжга мардеж мурале,
Кажным вуй гыч ниялтале:
– Аванан кечыже лүмеш
Тек илыш утыр ылыжеш.

Авана эн мотор да эн поро,
Ик уда шомакымат ок ойло.
Икшывым мошта йоратен,
Тудын шүмжө – йочаже пелен.

Э.ВАСИЛЬЕВА.

Звенигово, Нуктыж.

Кечыйол гай

Ава! Могай сылне шомак!
Тудын шүмжө кечыйол гай ырык-
та. Авамын лүмжө – Надя. Тудо кеч-могай
пашам кыртмен ышта. Авамын ямдылыме
кочкышыжо эн тутло. Пакчасе пеледышы-
же-влакым ончен, шерет ок тем. Кидпашам
ышташ йората: вуйшовычим, пижым,
носким пидеш. Эн йоратыме
пашаже – книга лудмаш.

Настя БУРМАНОВА.

Кужэгер школ.



Алиса ШКАЛИНАН

сүретше.

Шернур йоча

сымыктыш школ.

Пиалан шер пырче

Мыйын авам – туныктышо. Мыланем пален налаш онгай:
молан тудо тиде професийым ойырен?

– Тыланет ик легендым калас-
калем, – ойла аваем. – Шужерте
ожно ик нужна еҥ Юзо деке
пёртым, ешым, тазалыкым да
йоратымашым йодын миен.
Юзо тудлан шер аршашым
кучыктен. «Кажне шер пырче –
тиде пиал», – ойлен тудо.
Нужна еҥ, тауштен, корныш
тарванен, но шүртö кўрылтын
да шер пырче-влак тўня мучко
пёрдын каеныт.

– Тидыже йомакыс, авай, –
мый өрмалгышым.

– Ала йомак, ала чын, но
мыланем ачам ден авам ик
шер пырчым шочмем годым
пуэныт – ош тўням пөлекле-
ныт. Ачатлан марлан лекмеке,
вес шер пырчым муынам.
Кумшо шер пырче – тиде
мыйын йоратыме пашам, –
иктешла шергакан енем.

Мыят авам семын шер пырче-
влакым муаш понем!




Фотом еш архив гыч налме

Юлия ТОКТАЕВА.

Медведево, Руэм.

**Цифр-
влакым
ушыза да
сўретым
чиял-
тыза.**



Вучем, авай!

Авай, кок арнялан
пашаш каетат, тый
дечет посна пеш йөсланем. Мый тыланет тынар шуко поро
да шыма мутым ойлынем. Тый мыланем тўняште эн шерга-
кан да йоратыме улат. Илышым пөлеклыметлан, вуйым
савен, таумутым каласынем. Коклан кумылет волтена
гынат, нелеш ит нал, ит сыре, авай. Тыйым эре пиаланым,
шыргыжшым ужмем шуэш. Тек вуй ўмбалнет эре волгыдо
кава, чевер кече лийыт. Йоратыме аваем, мөнгө пёртыл
толметым чон вургыжын вучем.

Ралина ГРИГОРЬЕВА.

Волжский, Пөтъял.

Ава – энертыш

Йоратыме авае мын лүмжб – Ольга. Тудо эн поро да шыма. Авам кевытыште пашам ышта. Яра жапем годым тудлан пөрт сомылкам ышташ полшем. Мый тудым чаманем. Авай – тўняште эн кугу энертыш. Пайрем дене тыйым шокшын саламлем!


Валерия ГРЕБНЕВА.

Параньга, Матародо.



Ковада, авада, акада-влаклан пөлекым ыштыза.

Мастар кид



Шуко иле, ковай!

Ковам А.Т.Тимофеева Кораксола ялыште ила. Мый тудын деке каныш кечын унала коштам. Могай кугу пиал ковай воктене шинчаш! Кажне йоча тыге куанен ойлен окерт. Мый ковае мын уло чон дене йоратем да пагалем. Пайрем дене саламлем да «Шуко ий иле, ковай!» манам.

Таня ТИМОФЕЕВА.
Морко, Кугу Шале.



Авам – чыла пашаланат мастар. Тудо тамле кочкышым ямдыла, тўрлб кидпашам ышташ йората. Мбнгысб сомылым чаткан ышта. Поро кумылан авае мын 8 Март пайрем дене саламлем.

Егор БОГДАНОВ.
Марий Турек, Сысоево.

Таза лий!

Авам Ирина Эриковна школышто марий йылмым тунькта. Кастене уроклан шуко жап ямдылалтеш. Иктаж-мом ом умыло гын, мыланем полша. Сурт коклаште тўрлб сомылым ышта. Эше авам тора яллаште илыше йоча-влакым школ автобус дене налаш шофёр пелен кажне эрдене кудалеш. Сандене мбнгб гыч пеш эр кая. Кузе тынар пашам ыштен шукта? Таза лий, аваем!

Диана МАЛИЧЕНКО.

У Торъял, Немда.

Саламлена!

Класс вуйлатыше Н.М.Багаевам 8 Март дене саламлена. Таза-залыкым, пиалым, пашаште сенгымашым тыланена. Те шўм-чон шокшыдам кажне тунемшылан пуэда. Поро шинчаончалтышда йочан кумылжым нблта. Кажне икшывылан полшаш ямде улыда. Тыгаяк поро да йочам умылен моштышо лийза.


9-ше классыште тунемше-влак.

Марий Турек, Хлебниково.



Л.ГРИГОРЬЕВАН
фотожо.

Массаж тазалыкым пенгыдемда



Шуко енын шонымыж почеш, массаж – иктаж-могай черым эмлымаш. Педиатр деке мийымеке, ача-ава-влак «массаж» мутым колытат, икшы-выштын тазалыкше шотышто тургыжланаш тўналыт. Тўрлў йодышлан вашмутым муаш манын, Морко рўдў эмлымверыште 26 ий массажисткылан пашам ыштыше, кызыт шке семын тыршыше **Е.И.МИХАЙЛОВА (снимкыште)** дене кутырышна.

– *Евдокия Ивановна, таза йочалан массажым ыштыман мо?*

– Массаж – тазалыкым пенгыдемдыше ик эн сай процедур. Тудым ыштыме годым коваштын, лун, чога-шылын, кўргў орган-влакын пашашт саемеш. Уш вианрак пашам ышташ, вўр сайынрак кошташ тўналеш, кид-йол пенгыдемеш. Йочан кумылжо кўза, сайын мала. Тудо пенгыде капкылан кушкеш.

– *Мыняр тылзаш йочалан массажым ышташ тўналман?*

– Кок тылзым темыме марте ава азан тупшым, мўшкыржым ниялткала, кидшым, йолжым эркин туржеш. Массажым йочан кок-кум тылзаш улмыж годым ышташ тўналеш лиеш. Икымше курс 10 кече наре шуйна. Кокымшо курсым икшывын шинчаш тунеммыж годым эртыман. 10-11 тылзаш йочалан кошташ тўналмыж деч ончыч массаж пайдале.

– *Чыла йочалан массажым ышташ лиеш мо?*

– Онкологий черан, начар шўман, начар вўргорнан, шўянше коваште черан йоча-влаклан массажым ышташ огеш лий. Тыгак кугемше мокшан икшывылан шекланен ыштыман.

– *Могай чер улмо годым массажым ыштыманак?*

– Тўн шотышто калып йол (плоскостопий), кадыр вўдлу (перекок тазовых костей), сколиоз, дисплазий черан йоча-влаклан массажым ышташ кўлеш. Пневмоний, бронхит годым рун огеш ойырло гын, массаж полша. Тыгак неврологий черан икшывылан курсым эртыман.

– *Школьшто тунемше ўдыр-рвезе-влаклан массаж мо дене пайдале?*

– Ятыр йоча парт коклаште шўрын але пўгырнен шинча. Тудын капкылжым тўрлаташ, тургыжланымашым, нойымашым корандаш массаж полша. Школьш коштшо ўдыр-рвезе-влаклан идалыккан кок гана 10-15 сеансым эрташ пайдале. Шанчызе-влакын ойышт почеш, йочалан чўчкыдын массажым ыштет гын, тудо уверым куштылгынак шарнен кодеш, тунемаште шагал йонгылышым ышта да урокышто тўткырак лиеш.

– *Медицине шинчымаш деч посна ача-ава-влак икшывылан массажым шке ыштен кертыт мо?*

– Массажым специалист ыштышаш. Ача-ава-влак массажистын умылтарымыж почеш гимнастикым ыштен кертыт.

Х.АЛЕКСАНДРОВА мутланен.
Фотом еш архив гыч налме.

Каныш кече

Каныш кече чылалан кўлеш. Пашам каныде ыштет гын, вуй ноя, айдеме чўчкыдын черлана. Мый каныш кечылан йывырте. Тунам чылан пырля ли-йына. Жапым пайдалын эргарена.

Даша ЗАГАЙНОВА.
Советский, Кельмаксола.



Фотом еш архив гыч налме.

Ачай, акай, мый да Малыш лўман пийна памаш деке ече дене миенна. Снимкыште акам дене когынам ужыда. Игече леве лийын. Мардеж лыжган пуалын, лум ош лывыла койын велын. Ме ече дене лумышто кечым сўретленна. Ачай памаш гыч вўдым налын. Вара кож да пўнчў пўгыльмым погенна. Каналтымеке, мўнгў пўртылынна.

Максим СТЕПАНОВ.
Морко, Шап Унчо.

Шошым могай витамин кўлеш?

Йочан капкылже писынрак кушкеш, шинчаже пўсемеш, пўйжў пенгыде лиеш.




А
Шўмын пашажым виангда. Икшывын вийже ешаралтеш.



В
Йочан лужым пенгыдемда.



Д
Организмым пенгыдемда. Кылмыш деч арала.



С



7-14 март - Үярня арня.


Вужга мелна *Изи озавате*

Кўлыт: 1 литр шөр, 250 грамм леве вўд, 2 муно, шинчал, сакрыложаш, пел пачке кукшо ру, содо, 3 кугу совла кушкыл ўй, ушкал ўй, ложаш.

Пел литр шөрүш леве вўдым ешарена. Тушко шинчалым, сакрыложашым, кукшо рум, ложашым пыштена да изиш пентгыдырак руашым лугена. Ик шагатлан овараш шындена.

Кодшо пел литр шөрүм чот ырыктена (но шолаш огына пурто). Тудым руашыш опталына да вигак лугена. Тушкак муным, кушкыл ўйым ешарена, содым пыштена да кўэштына. Мелнам ушкал ўй дене йыгена.

9 март - Барби курчакын шочмо кечыже.



Сүрөтүм чиялтыза.

Чот куаненам!

Мый Йошкар-Ола воктене верланыше Семёновка селасе 21-ше номеран школышто 10-шо «А» класшыште тунемам. Шочмо йылмын тўнямбал кечыжлан пөлеклалтше «Мыйын шочмо йылмем» республикысе сочинений конкурсышко ушненам. Шочмо марий йылме нерген әссем возенам. Кокымшо верыш лектынам. Моткоч чот куаненам! Ончыкыжымат конкурслашке ушнаш тўналам.



О.ВАСЕНИНАН фотосыко

Надя ЯМБАКОВА.



Синквейн

Шочмо йылме
Лывырге, ныжыл.
Туныкта, кушта, полша.
Кажне еным илышыш луктеш.
Чон поянлык.

Валерия ПЕТРОВСКАЯ.
Морко, Купсола.

Игече титакан

Каныш кече. Койко гыч тёрштен кыnellyм, чиен шогалым да окнаш ончалым. А тушто!.. Лум, поран, мардеж. Эх, азап. Вет таче школышто шашке дене турнир лиеш. Тушко пеш чот логалнем. Мый шашке дене модаш йоратем. Мөнгыштө кочам дене кажне кечын модам. Тиде турнирыште, товатат, шукуштым сеген кертам ыле.

Барби курчакым 1959 ий 9 мартыште Нью-Йоркысо модыш армингаште икымше гана ужалымашке луктыныт. Тудым американке Рут Хэндлер амдылен. Барбара ўдыржын лїмжым курчаклан пуэн.

Поранлан көра авам школыш ыш колто. Кумылем моткочак вошыш. Вес гана тыгай турнирыш садак ушнем!

Ярослав ПЕТУХОВ.
У Торъял,
Токтарсола.



Индекс: П4696.
Тираж 1150 экз. Заказ
Формат – А-4-8.
Тўн редактор
Л.Н.ГРИГОРЬЕВА.

https://vk.com/yamde_lji
<https://ok.ru/yamdelji>
E-mail: yamde_lji@mari-el.ru
(документ кагазлан),
yamde_lji@mail.ru
(автор-влаклан)
Сайтын адресше:
yamdelij.rf

УЧРЕДИТЕЛЬ-ВЛАК: Марий Эл Республикысе культуру, печать да калык-влакын пашашт шотышто министерстве, «Ямде лий» газет.

Газетым редакцийште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийн адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследийым аралымаште законодательством шуктен шогным эскерыше Федеральный службын Приволжский федеральный округысо управленийыштеже регистрироватлыме.
Номер – ПИ №ФС 18-1999,
2005 ий 10 февральыште пуымо.

0+

Печатьыш пуымо жап –
14-00,
фактически – 13-00

Авторын да редакцийн шонымышт түрлө лийын кертыт. Серыш-влак мөнгеш огыт колталт.
Ак – кутырен келшыме почеш.

Редакцийн да издателыне адресше:
424006, Йошкар-Ола, СССР Вооружённый Вийын 70-ше идалыкше урем, 20-шо пöрт.
Тел. 8(8362) 45-22-82(факс)

Теле каныш



Настя ден Анфиса ШАБДАРОВАМЫТ. Шернур, Ёлыл Рушәнер.



Советский район Кодам алысе «Матрёшко» йочасадын ўдыр-рвезыже-влак.



Ярослав ВАСИЛЬЕВ. Татарстан, Агрыз, Буймо.

Ойырен палемдыме клеткылаште могай

Кроссворд



мутым шылтым?


1. Вўдыштõ ила.
2. Писе янлык.
3. Мўйым йõрата.
4. Тўрлõ черым эмла.
5. Чодыра саска.
6. Марий Элын кугу кумдыкшым ... айла.
7. Тидым ушкал пуа.

Регина ГРИГОРЬЕВА.

Морко, Энерсола.

Зодиақ тамга-влакым палыза.

Ш
Р
Й
К
П
Р
Е
З
Е
Й
Ы
Г
Ы
Р
Р
А
К
Л
Е
В
Ў
Д
Ы
Р
В
И
С
А
С
К
О
Р
П
И
О
Н
П
И
К
Ш
Ы
З
Е
И
Р
К
А
З
А
В
Ў
Д
Й
О
К
Т
А
Р
Ь
Ш
Е
К
О
Л




- Шорык
- Презе
- Йыгыр
- Рак
- Лев
- Ўдыр
- Виса
- Скорпион
- Пикшызе
- Ирказа
- Вўд йоктарыше
- Кол

Шотлыза:

+55	+42	+25
+32	+17	+43

+45	+62	+21
+15	+31	+18



Сылне теле: лум лумеш, Мланде ошын вел коеш. Йырваш чинче йылгыжеш, Модаш кумыл ылыжеш.


Маша ИБУЛАЕВА. Национальный президент школ-интернат.

Жапым шагатыште сўретлен ончыктыза.

Фигур-влакым шотлыза.



Маша СУДОРОВАН сўретше. 6-шо номеран Морко школ.



Интернетысе сўрет-влакым кучылтмо.